

Ինչպես կիսվել Աստծո սիրով

Տախը չգիտեր ինչ ասեր կամ աներ, բայց նա ուզում էր օգնել:

Կարոլինա Մալդոնադո
(Հիմնված է իրական պատմության վրա)

Այս պատմությունը տեղի է ունեցել Բոլիվիայում:

Դա մի շոգ առավոտ էր: Տախն ու նրա ընկերուհին՝ Կլաուդիան խոսում էին ու ծիծաղում, երբ նրանք քայլում էին ֆուտբոլի դաշտով: Նրանք վերջացրել էին մարմնամարզության դասը և այժմ գնում էին մաթեմատիկայի դասին:

Կրտսեր խմբի երեխաների մոտ ընդմիջում էր: Տախը նայում էր, թե ինչպես էին նրանք խաղում:

Ապա նա նկատեց մի փոքրիկ աղջկա, ով միայնակ կանգնած էր աստիճանների մոտ: Երբ նրանք մոտեցան, Տախը նկատեց, որ նա լալիս էր:



Տախը թափահարեց ձեռքը կանչելով Կլաուդիային գալ փոքրիկ աղջկա մոտ: Կլաուդիան խոժոռվեց և գլուխը բացասաբար շարժեց. «Մենք կուշանանք»: Նախքան Տախը կհասցներ մի բան ասել, Կլաուդիան հեռացավ:

Տախը նայեց փոքրիկ աղջկան: Նա մոտ էին տարեկան էր: Նրա դեմքը թաքցված էր ծնկների միջև և նա ծածկել էր գլուխը իր ձեռքերով:

Տախը սստեց նրա կողքին: Աղջիկը մի քիչ մի կողմ քաշվեց:

«Լա՞վ էս»: Մեղմորեն հարցրեց Տախը:

Աղջիկը չպատասխանեց: Տախը չգիտեր ինչ ասել կամ անել:

«Ինչո՞վ կարող եմ օգնել քեզ», - հետո հարցրեց նա:

Աղջիկը շարժեց ուսերը:
«Իմ անունը Տախ է: Անունդ ի՞նչ է»:
Վերջապես աղջիկը նայեց Տախին:

«Նիկոլ»:

«Ինչո՞ւ ես լալիս Նիկոլ»:

«Բոլորն ինձ ծաղրում են թմբիկ լինելու համար», - հեծկտալով ասաց նա:

Տախը սրբեց Նիկոլի երեսը: «Ցավում եմ, որ նրանք ասել են այդ: Նշանակություն չունի, թե ինչ են ասում մարդիկ»:

«Նրանք ասում են ես սիրուն չեմ»:

«Դե, կարծում եմ նրանք սխալվում են», - ասաց Տախը ժպտալով: «Դու շատ սիրունիկ ես և նաև շատ հատուկ: Դու գիտե՞իր դա»:

Տախը մտածեց երեխաների խմբի իր սիրելի երգերից մեկի մասին: Նա գիտեր ինչ պիտի ասեր այժմ:



«Դու Աստծո զավակն ես», - ասաց Տախը՝ բռնելով աղջկա ձեռքերը:

Տախը մի քիչ գրուցեց Նիկոլի հետ: Նա բացատրեց, թե որքան կարևոր էր Նիկոլը Երկնային Հոր, նրա ընտանիքի և շատ ուրիշների համար, ովքեր այնքան շատ էին սիրում նրան: Կամաց կամաց Նիկոլը սկսեց ժպտալ:

Մի քանի րոպե անց Նիկոլը կանգնեց և ամուր գրկեց Տախին: «Շնորհակալություն», - ասաց նա:

Տախը նայում էր թե ինչպես էր իր սոր ընկերուհին լայն ժպիտով վազելով հեռանում: Ես ինձ լավ զգացի, որ կարողացա Նիկոլին օգնել ավելի լավ զգալ և իմանալ, թե Աստված որքան շատ է սիրում նրան:

Ապա Տախը նույնպես ոտքի ցատկեց: Ավելի լավ է ես Նիկոլի պես վազեմ, թե չէ կուշանամ մաթեմատիկայից մտածեց նա՝ ժպտալով, երբ շտապում էր դասի: ●



ՆԱԽԵՐԸ՝ ՏԱԿՈՐ ՆՈՒՄՆՈՒՄԻ